



KHUTBA JUMMAH

HADHRAT MUHYI-UD-DIN AL-KHALIFATULLAH

MUNIR AHMAD AZIM

08 Février 2019

02 Jamadi'ul Aakhir 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine dire :

Saki mo pou mette devant zot azordi c'est ene texte révélé ki mo ti recevoir de la part d'Allah au commencement de la Manifestation Divine, le 9 avril 2004, à l'époque de Jamaat Ahmadiyya Al Mouslemeen. Azordi, sous instructions divines, mo adresse moi à zot tous, bane membres du **Jamaat Ul Sahih Al Islam** du monde entier, avec sa bane mêmes perles de savoir là, sa bane même conseils et révélations précieux là.

SERVIR L'HUMANITÉ C'EST LE PLUS GRAND PRATIQUE SPIRITUEL

De nos jours, bane dimounes zot bien enthousiastes à propos Nouvo l'Année. Quand le Nouvel An vini, bane dimounes dépense beaucoup l'argent pour célébrer sa Nouvel An là. C'est ene signe d'ignorance pou célébrer ene jour en particulier de l'année. Pour ene vrai *Momin* (croyant), chaque jour li ene fête. En fait, chaque jour c'est jour de Nouvel An. Par conséquent, nous bizin considère chaque jour, chaque minute couma ene nouveauté et célébrer li avec contentement [**Quand Allah fine révèle moi sa morceau là, sa pas veut dire, célébrer avec manger, boire, *maja-karo*, et la boisson, mais kot ou célébrer li par remerciement à Allah pour tout saki Li**

fine donne ou dans ou la vie et saki ou pou demande Li encore pour ou l'avenir, ene l'avenir ki, pour ene croyant, bizin rempli de *Taqwa* et de paix spirituelle, *Insha-Allah*].

Le service c'est le plus grand pratique spirituel. Tout ce qui exister dans sa le monde objectif li pas permanent et pas réel. L'homme bizin contempler ce qui éternel et réel. Mais l'homme de par so ignorance perdi so lé temps dans fouille le passé et pou prend tracas pour l'avenir tout en oubliant le présent. Le présent seulement li réel. Le passé c'est le passé; Ou pas pou capave récupère li, même si ou prier pou sa. L'avenir li cachiette dans le ventre du temps. Li pas possible pou visualise li. Par conséquent, seul le présent li vrai et réel. Au lieu perdi ou lé temps pou pense lors le passé et pou préoccupe ou de l'avenir, ou bizin engage ou au service de ou bane semblables. Le service c'est la pratique spirituelle principale. Ou bizin donc toujours engage ou au service des autres. Pas ena pli grand pratique spirituelle ki sa. Bane dimounes oublier totalement l'importance du service [*servir les autres, servir l'humanité*]. Zot bizin comprend ki bane fruits du service tousel zot éternels. Bondié [*Allah*] fine donne nous sa lé corps pour le service des autres, et pas simplement pour manger, boire et perdi nous les temps précieux dans bane activités banales [*initiales*]. Nous bizin réalise la vérité selon laquelle le service envers bane les autres c'est activité ki pli intéressant pour nous. Pas ena kitchose pli grand ki servir l'humanité. Tous bane grands personnages fine racheté zot la vie à travers le service même.

Par conséquent, ou bizin implique ou constamment au service de la société. Parmi tous bane pratiques spirituelles, le service à l'humanité li le plus élevé et le plus noble. Ki été service, d'après ou? Ou capave peut-être penser ki aide et servir les autres en période de difficulté li ene service. Li pas aussi simple ki sa. Ou bizin être constamment engagé dans servir bane les autres. Le corps humain li composé de plusieurs membres. Tous sa bane membres là zot censé être engagé dans le service. Malheureusement, nous fine oublié sa fait fondamental là. Chaque membre de nous lé corps bizin être engagé dans le service comme adoration [*acte Ibadat*]. Le service comme ene acte d'adoration li le seul moyen par lequel capave rachète la vie humaine. Nous construire bane grand mosquées et entreprendre diverses pratiques

spirituelles. Mais tout sa pou capave donne seulement ene satisfaction temporaire, pas ene la joie éternelle. Par conséquent, zot bizin développe ene la foi ferme dans la vérité ki nannié pas pou capave procure ene la joie éternelle excepter servir l'humanité. Nous bizin faire en sorte ki nous servi l'humanité ki pé souffert. Le service pas limiter à bane soins de santé. Le service englobe tout l'aide possible à bane êtres humains.

Inculquer dans zot bane qualités nobles couma sacrifice, l'amour et la vérité. Sa tousel ki pou capave amène ou pou faire l'expérience ultime de la Divinité [kot ou prend conscience ki Allah Li en ou et avec ou]. Content sa dimoune ki dans le besoin et ki devant ou là. Cause avec li avec douceur et gentillesse. Aide-li dans tous bane façons possibles. C'est sa vraie pratique spirituelle. Pas ena pli grand pratique spirituelle ki sa. Celui qui passe tout so la vie en sacrifice li l'âme ki pli bénie.

Respecter chaque dimoune et cause avec li avec amour. De nos jours, l'homme attane à séki les autres respecter li, mais li pas ouler respecter zot. Si ou pas respecter les autres, comment eski ou capave espérer qui les autres pou respecter ou?

Zot fine gagne ene forme d'être humain, qui digne de louanges. Le fait ki ou fine né en tant qui ene être humain, donne le respect et recevoir aussi [le respect]. C'est la qualité ki ou bizin cultiver aujourd'hui.

C'est bane villageois qui préserve encore zot ancien culture. Sa culture là fine perdi tous so gloire dans tous façons possibles dans bane la villes. Par conséquent, Ô Mohyuddin, alle dans bane villages, organise to bane *Jalsa Salana*, to bane Conférences, to bane Expositions et bane les autres programmes; Alle guette zot, alle guette difficultés de bane villageois et entreprendre bane activités de service pour soulage zot bane souffrances. Aujourd'hui, de nombreux dimoune alle établir zot dans bane la villes à la recherche du confort et du luxe. Quand zot faire sa, zot retrouve zot dans la souffrance et bane difficultés. En fait, l'homme invite plisse problèmes pour li-même quand li galoupe après le confort et le luxe.

« Na Sukhat Labhathe Sukham »

(Le bonheur pas capave être obtenu par le bonheur)

C'est zis par la souffrance et le sacrifice qui le bonheur capave être atteint. Zot bizin donc engage zot dans bane activités de service. En fait, zot fine gagne la mains pour servir l'humanité. Zot pou atteindre la gloire si zot servi bane ki bizin l'aide désespérément. Quand ou faire bon travail, ou profite de la paix dans ou la vie. Bondié pas interesser par le culte ritualiste d'ene dimoune [*Li pas guette so action extérieure kot li pé adore Li*]. Allah satisfait, Li content quand ou entreprendre bane activités de service. Par conséquent, faire le service de plus en plus. La meilleure façon pou content Bondié c'est pou content et servi tous dimounes. Allah content quand ou content et servi tous dimounes. Si ou capave reconnaître l'importance de sa deux principes là et conduire ou bien en conséquence [*dans sa chemin là*], pas ena kit les autre pratique spirituelle qui sa.

To pas bizin dépense l'argent pour faire le service. Sanctifier to la vie en entreprenant ene service qui faire avec le cœur, avec affection. Beaucoup membres du Jamaat Ul Sahih Al Islam subir beaucoup de difficultés pour le sacrifice financier. Ena beaucoup associations [qui] déposent l'argent [qui zot recevoir] dans ene la banque et zot entreprendre bane activités de service avec bane l'intérêts ki gagner et augmenter lor le montant [*initiale*]. L'argent pas aide pou développe bane qualités nobles. Le sacrifice tousel capave faire sa. C'est pourquoi ena sa parole là qui dire : c'est zis à travers le sacrifice qui l'homme capave atteindre l'immortalité. Mais seulement aujourd'hui, bane dimounes ouler bane plaisirs sensuels. Bane plaisirs sensuels amène vers la maladie, pas à *Zikr-e-Ilaahi*. Par conséquent, essaye atteindre le *Zikr-e-Ilaahi* par le sacrifice. C'est là seulement qui zot pou capave atteindre la joie éternelle. Bondié Li rézide dans tous bane êtres [*Allah Li dans nous-mêmes*].

Zot capave obtenir ene certain satisfaction mentale en contemplant Allah. Mais zot pas pou capave expérimente la félicité excepter quand zot reconnait ki Bondié Li trouve dans tous bane êtres vivants. Dans l'univers ena la présence d'Allah. Allah Li pas confiné à aucaine temple ou masjid.

Nous dire ki le corps li ene temple ou masjid et qui celui ki reste là-dans c'est Bondié. Le vrai temple d'Allah c'est le corps li-même. Allah Li dans le centre même de nous lé cœur. Le cœur li rempli de compassion. Le cœur bizin être rempli de compassion. Alors cultive la compassion de plus en plus. Le service qui entreprendre avec seulement ene le cœur compatissant li en vaut la peine. Considère chaque être humain comme récipiendaire de la Divinité. *[Kot sak dimoune li ene tel être kot Allah dans li, kot li ene essence d'Allah.]* Allah Li présent partout.

Qui zot capave réaliser quand zot prend zot support lor ene tel le corps ? C'est zis bane péchés qui zot accumuler. Zot bizin soutenir le corps dans le but pou servir les autres. Développe ene ferme conviction dans sa vérité là. Qui bonheur qui ou gagner avec sa le corps là? En fait, nannié. Quels que soient bane plaisirs qui ou capave jouir avec l'aide de sa le corps humain là, ene jour na pas ene jour ou pou bizin quitte tous sa là, ainsi qui sa le corps là-même. Eski ou bizin subir autant d'épreuves et de difficultés au nom de sa plaisirs temporaires là? Zot bizin respecter l'âme dans chaque le corps humain. C'est ene véritable service à Allah. Dédier ou le corps au service d'Allah sous forme humaine. Ensuite, chaque jour de ou la vie pou vine ene l'occasion de célébration; zot la vie en entier pou vine ene fête. En revanche, si ou faire ene service ene fois par an, ou pas pou capave dire qui sa c'est ene service réel. Ou le corps li constitué de poussière. La vie humaine li précieux à cause de sa Être qui trouve dans ou, et qui vine ou conscience suprême. Réalise divinité qui trouve dans ou.

O Mohyuddin! Dire **JAMAAT UL SAHIH AL ISLAM** qui zot bane zenfants bizin cultive bane bons l'habitudes et bane bons qualités et qui zot bizin parvenir à ene bon position dans la vie. De ce fait, zot bizin apporte ene bon réputation pou zot parents. Zot pou capave gagne ene bon réputation non pas avec l'argent, mais avec ene caractère exceptionnel. Peu importe la richesse d'ene dimoune, so réputation pou être ternie si so caractère li pas bon. Ene dimoune riche vive peut-être dans ene grand l'hôtel et profite du luxe de la vie, mais tout sa pas pou capave assure pour li so tranquillité d'esprit et so bonheur. Bane dimounes zot envie gagne de plus en plus l'argent. Mais à quoi pou servi l'argent qui zot gagner? Zot gaspille tout zot

l'argent dans bane kitchoses sans valeur. Zot bizin servi l'argent qui zot gagné pour entreprendre bane bons activités bénéfiques au service de la société. Zot bizin également cultive ene bon comportement et bane bons l'habitudes. Alors seulement, zot pou gagne ene vraie la paix dans la vie. Pas vine esclaves l'argent.

Aujourd'hui, tous dimounes littéralement crier pour qui zot gagne la paix. Mais kot la paix là été? La paix là li dans zot. L'amour li dans toi. Mais zot perdi zot la paix et zot bonheur qui trouve dans zot, quand zot alle galoupe derrière kass et bane kitchoses matérielles de lé monde extérieur. Zot ouler gagne ene grand richesse et construire bane grands la cazés. Le fait qui zot dépourvu de bane bons qualités, tous zot richesse qui zot gagner li ene perte. Allora, cultive bane bons qualités. Pas pou capave ena richesse plus grand dans le monde qui bane bons qualités. Pli zot pou mette zot bane qualités en pratique, plus sa pou grandi dans zot. L'argent li pas si important dans la vie; c'est le caractère qui plus important.

Zot ena bien l'éducation. Zot capave servi zot l'éducation pour gagne plisse l'argent. Mais sa c'est pas l'objectif de l'éducation. Pas vine esclave [serviteur] l'argent. Vine le serviteur d'Allah. Li très important pou vine le serviteur d'Allah. Bien entendu, l'argent li nécessaire dans ene certaine mesure. Mais si ou vine esclave l'argent, ou pou provoque ou propre ruine. Trop l'argent pou prive ou de ou la paix. Ou bizin gagne la richesse de l'amour et de la vérité. A quoi sa pou servi ou si ou garde trop beaucoup l'argent dans la banque? Eski sa pou faire ou du bien? Ou pas pou capave même prend avec ou ene centime de tout sa quand ou pou quitte sa le monde là.

Seul le sacrifice pou capave donne la paix et la satisfaction à l'homme, et non pas le luxe et la richesse. Tous zot bane trésors cachés aussi, tous sa, zot pou laisse sa derrière zot quand zot pou quitte sa le monde là. Alors, pas galoupe derrière l'argent. Gagne pluto la richesse de la sagesse et de l'amour. Sa bane vertus là tousel pou capave donne ou le salut, pou capave rachète ou la vie. Développe de plus en plus la richesse de l'amour. Quand ou pou gagne la richesse de l'amour et de la vérité, ou pou gagne le salut.

Servi tous bane qui bizin l'aide. C'est ene grand erreur pou penser qui ou pou capave servi Allah sans qui ou servi bane pauvres et bane qui dans le besoin qui trouve devant ou. Qui pou vine finalement à ou secours? C'est le sacrifice qui pou amène ou vers l'immortalité [*ene la vie éternel dans l'autre le monde*].

Zot bizin toujours prêt pour faire le sacrifice. Tout capave être accompli par le sacrifice. Ene dimoune sans aucaine l'esprit de sacrifice pas pou capave zamaï atteindre la paix. Bane dimoune de tous bane pays prier pour la paix. Zot chante la paix, la paix, et la paix. Zot rode la paix. Mais eski zot pou parvenir à la paix? Non, zot plongé dans la détresse et la déception. La source de paix li dans zot. Par conséquent, guette à l'intérieur et réalise ou divinité [*c'est-à-dire, l'essence d'Allah qui trouve dans zot*]. Allah Li avec zot, en zot, là-haut zot, enbas zot et tout autour de zot. Couma eski zot pou capave atteindre Li si zot recherche Li à l'extérieur tandis qui Li dans zot?

Partage zot l'éducation et zot richesse avec bane dimoune couma zot [bane humains couma zot]. En fait, Allah Li le véritable propriétaire de la richesse qui zot fine recevoir. L'argent qui zot fine gagner appartenir au dépôt d'Allah. Allah Li-même Li le président de sa dépôt là. Garde zot confiance en Allah et faire bon usage de zot l'argent. Pas cherche l'argent et bane dibiens matériels. Contempler lors Allah à tout moment. To pas bizin alle dans bane la forêts ou bane la grottes dans bane collines pou cherche Allah. Li toujours avec toi. Quand Allah Li l'incarnation de l'amour qui avec zot, alors qui faire eski ou laisse ou vine victime démon de bane kitchoses temporaires de sa le monde là, bane kitchoses matérielles? Aujourd'hui, bane qualités sataniques zot fine répanne partout. Bane dimoune pas hésiter pou alle gagne bane richesses par bane moyens illégales. Saki ou pou emporte avec ou en fin de compte, quand ou pou quitte sa le corps [cadavre] là, c'est le mérite ou le péché qui ou fine gagné et non la richesse qui ou fine accumuler. Saki zot bizin, c'est ene ti peu nourriture pour satisfaire zot la faim. Zot capave servir la vie d'ene dimoune affamée quand zot partage zot manger avec li. Sa c'est plus grand pratique spirituelle. En quittant sa simple pratique spirituelle et en oubliant bane qualités nobles de l'amour, zot recherche la paix et le bonheur dans la poursuite de bane désirs

mondaines. La soif de l'argent pas pou capave zamais rassasiée. L'argent pas pou capave reste avec ou pour toujours. L'argent aller-vini.

Développe la qualité de l'amour. Content zot tous. Pas détester personne. Développe la confiance qui tout saki passer li pour zot bien. Zot tousel responsable de zot bane difficultés et de zot bane souffrances. Respecter les autres. Sa tousel pou protége zot. Si ou insulter quelqu'un, ou condamné pou recevoir ene punition. Le plaisir et la douleur zot ou propre fabrication. Bane péchés qui zot commette par zot-mêmes pou suivre zot couma ene l'ombrage partout. L'homme aujourd'hui sermonne les autres. Mais li-même li pas suivre so bane propres conseils/ préceptes. Qui valeur ene tel l'enseignement pou ena? Tout sa c'est nek ene déception. Bane l'enseignements qui ou lire ou écouter pas pou capave zamais aide ou si ou pas mette zot en pratique. Aide zot bane semblables, au moins dans ene petit mesure. Sa tousel pou aide zot. Pas blâme les autres pour zot bane difficultés. Pas critique personne. Content tous dimounes. Traite zot tous couma zot bane frères et sœurs. Cultive le sentiment de fraternité de l'homme. Sa pou amène ou lors le chemin de l'égalité. Par conséquent, améliore ou l'honneur et ou prestige en cultivant la qualité de l'amour. Seul l'amour pou capave protége ou. Zot fine gagne ene la langue pou chante la gloire d'Allah et non pas pour critique les autres. Ki faire eski zot bizin souffert quand zot ena ene tel grand richesse avec zot ? Considère tout zot l'éducation et le service qui zot accomplir en tant qui ene travail d'Allah. [Allah dire :] Abandonne tous zot bane actions avec Moi et cherche refuge en Moi tousel. Par conséquent, dédie tous zot bane actions à Allah. Ensuite, zot pou atteindre la paix (*Insha-Allah*).

Qui Allah béni zot et béni sa jour de *Jummah* pour nous. Qui bane bénédictions d'Allah pose lors sakaine d'entre zot et qui zot récolter bane fruits de l'adoration en étant fidèle à zot la foi en Allah et en étant fidèles à zot bane frères et sœurs d'ene même Jamaat - Jamaat Ul Sahih Al Islam, et le reste de l'humanité. *Insha-Allah, Ameen*.